

元代政書

元
代

史料刊
史叢
初編

泰山書社

元代政書

元
代
史料
叢刊
初編

黃山書社

鹽法通例 延祐六年八月十三日承奉上司指揮承奉江浙等處行中書省劄付准中書省咨來咨據兩浙運司申延祐元年八月十八日有中書省差來官直省舍人欽賁御寶聖旨閱讀節該經國之費鹽課爲重比歲以來所司失於關防以致私鹽犯界鹽貨生登侵視官課澁滯鹽法仰所在管民官管軍官常切用心提調關防禁治毋致似前違犯所有條畫開列於后欽此除遵依外照得頒降條畫一本一欵內有該載未盡其餘干犯等罪名若候申稟通例至日施行却緣每日各處解到違犯私鹽起數甚多切恐日積月增不無久淹停禁卑司除將窮問私鹽犯人無疑者照依今次坐到條畫科斷外據該載未盡干犯等項罪名取問明白審錄是實權依舊例斷決外若蒙省府開咨都省令合干部分通行一一讞擬定付下遵依似望輕

五、五二

其卷二十一

四

重得倫法令歸一本省合行咨請照詳准此送據刑部呈約請戶部侍郎楊中議一同議擬間又准戶部關奉省劄山東鹽運使張太中言諸偷犯私鹽不曾貨賣自行食用依例斷罪再犯以上依貨賣私鹽例諸偷犯私鹽貨賣初犯依例斷配再犯全籍家產決杖一百七下仍於手背刺鹽徒二字發付淘金估冶等處配役三年三犯以上比賊徒出軍例論諸人但犯持杖般偷私鹽拒捕的殺傷的燒毀房舍的比依強盜論罪等事本部議得前項所言事干刑名如刑部約會本部官一同從長商議明白議擬相應都省准擬開請依上施行准此請戶部侍郎王中憲到部一同議擬到下項事理開呈照詳得此都省咨請依上施行

一本省咨稟

一見欽奉聖旨內一款節該諸犯私鹽者科徒二年決
七十財產一半沒官決訖發下鹽場錄役兩隣知而
不首者決六十買食私鹽者杖六十轉行貨賣博易
諸物者同私鹽法正犯鹽徒加犯加等斷罪居役三
犯斷訖發付邊遠屯田前件除欽遵外照得大德八
年八月十二日也可札魯忽赤奏准與省官院官臺
官衆人商量來舊賊每根底兩遍做了賊經刺來的
賊每拏獲呵是第三遍有將這的每交出軍三遍做
了賊經刺來的賊每拏獲呵是第四遍省將這的每
也交出軍色目人有合出軍的明白問了無隱諱呵
今各路官司依例斷遣漢兒人蠻子人申解遼陽省
發付出軍色目高麗及申解湖廣省發付出軍得此
都省准擬仰依上施行奉此切詳斷遣鹽徒即與斷

五、三八

身重二一二

四二

遣賊人條例相似未審鹽徒先當經犯取訖招伏斷配間遇赦疎放今次拏獲是否作再犯論罪其三犯者止言斷訖發付邊遠屯舊不見定到杖數多少發付是何近遠處所色目人煎販私鹽別無所坐罪名及婦女犯私鹽拏獲本司止是單衣受刑杖七十抄財產免鑱役今後婦女犯此罪者未審如何處斷又博易諸物同私鹽法謂如有將私鹽博易諸物緞疋布帛衣服葶書或有博易喫食酒肉瓜果菓五穀草鞋簑笠柴草等微賤之物若不論其多寡俱同鹽法一概斷配似涉輕重不論乞照詳刑部一同議得私鹽事發到官取訖招狀合以赦後爲坐其三犯者與再犯一體斷罪蒙古色目人發付兩廣海南漢人南人發付遼陽屯田色目人煎販私鹽者依例科斷婦人

有犯單衣受刑例合免徒轉行貨賣博易諸物者不以物細價之多寡依例全科相應前件依准部擬一見奉聖旨內一欵節該諸人捕獲私鹽其告首親獲之人於犯人沒官家產內一半充賞若犯人貧窮無產可藉雖是不酬其功者每私鹽一引官給中統鈔五十貫應捕人減半不及引者同一引例於運司係官錢內支給前件切詳一起私鹽內有獲正犯人二名至十餘名者及指問出煎賣私鹽竈戶一、二家俱各斷沒一半財產是否盡將一起內應有斷沒到各家沒官一半財產再分一半都與首告親獲之人准復止將一起正犯人內從斷沒多者一名財產內分付將一半給賞又私鹽不及引者同一引運司給賞中統鈔五十貫原其鹽每引例重四百觔有獲二百

五三三

勛已上者同一引論賞則可或有止捉獲二百勛以下并十勛三二勛者未嘗依上全給乞照驗刑部一同議得諸各首親獲私鹽之人擬合將各家沒官財產依例一半付告人充賞其展轉指出者不在諸賞之限外據不及引者無問多寡同一引給賞相應前件依准部擬

一見欽奉聖旨節該管民提點正官關津渡口守把軍官軍人巡尉弓兵人等致有私鹽犯界鹽貨走透私鹽初犯笞四十再犯杖八十三犯杖一百仍除名通同縱放者與犯人同罪前件照得軍民官員人等通同縱放私鹽事發到官取問是實照依犯私鹽人應得罪名將軍民官員人等斷決外據財產并錄役一節若依犯人一體抄配誠爲尤重乞照詳刑部一同

議得管民提點正官關津渡口守把軍官軍人巡尉弓手人等通同縱放者既與犯人同科止坐其罪相應前件依准部擬

一諸犯私鹽淹浥魚蝦鮓結竹笋貨賣或自家食用及博易諸物者前件照得每年本同於額辦鹽內提豁七八千引分俵兩浙召募瀕海漁戶人家請買給引支查淹浥海鮮魚蝦鮓結竹笋檢據給程發賣若有私鹽淹浥者捉獲本司比同私鹽法科斷正犯人杖七十財產一半沒官錄役二年批擔受寄爲牙引領之人杖六十食用者笞五十七下終非都省定到通例今次未審若何乞照詳刑部一同議得私鹽淹浥魚蝦者合依運司所擬比同私鹽法科斷籍配所據批擔受寄爲牙引領并食用之人知情者依上科斷

五十三

卷二十二

不知情者依例革撥前件議得私鹽淹泡魚鯉煮鮓竹筴貨賣或自家食用及博易諸物犯人罪名合依運司元呈餘准所擬

一諸犯私鹽刮取鹹土前件照得在先有百姓於竈戶處買到滷水歸家以私自煎鹽貨賣被獲同私鹽法科斷終非成鹽本司量情將買賣之人各杖六十挑擔撐載受寄爲牙引領之人減等笞五十潛地偷取滷水者止坐偷滷之人買食私滷竊取鹹土淋滷食用者各笞四十七下終非都省定到通例今次未審若何乞詳刑部一同議得諸人於竈戶處買到滷水歸家欲以私自煎鹽貨賣被捉到官准運司所擬所據潛地偷取滷水之人買食私鹽竊取鹹土淋滷食用者照得至元八年刑部准中書省劄付日照縣人

戶馬青等偷掃鹹土舊例掃刮鹹土食用者與採買
穗草燒灰淋油難同私鹽量笞三十七下相應前件
議得挑擔撐載受寄爲牙引領犯人罪名合依運司
元呈餘准部擬

一掃取敲打納官零鹽前件有守倉園軍人或百姓竈
戶於官倉廠外裝袋畢撒鹽在地及竈戶排鹽送納
蘿白漏下鹽貨掃聚取撥包裹歸家食用本司俱各
量決斷二十七下或於野泊拾得無主人私鹽食用
者笞五十下終非都省定到通例今次未審若何乞
照詳刑部一同議得依准運司所擬相應前件議得
掃取敲打收撥納官等鹽歸家食用者量笞一十七
下野泊拾得無主私鹽不即首告自行食用之人笞
決二十七下

四九八

卷二十二

四

一挑擔揹載受寄爲牙行領貨賣私鹽干犯人前件本司將挑擔揹載受寄非引領爲牙貨賣私鹽者比正犯減等杖六十及受寄買食私鹽者又比買食人減等終非都省定到通例今次未審若何乞照詳刑部一同議得依准所擬相應前件依准部擬

一守把團圍倉廩巡防軍官軍人於場官司秤竈戶漁丁處乞取前到官鹽前件照得在先有軍人索取鹽貨賣本司申奉省府割付決杖六十七下發付本役依舊當軍切詳軍官軍人持勢求取官鹽私下貨賣者合無照依私鹽法斷所食用者減等斷決六十與鹽之人答五十七下乞賜定奪可否付下伏乞照詳刑部一同議得依准運司所擬相應前件議得軍官軍人所犯依准運司所擬

一承奉中書省判送江浙省咨據兩浙運司申延祐四年正月初二日欽奉聖旨節該從新極治歲辦課額照依累降聖旨例依恢辦者又辦課其間諸衙門不以是誰橫枝兒體侵犯者這般宣諭了它每的勾當其間侵犯的人有罪過者欽此會驗延祐元年八月十八日欽奉聖旨條畫內一款節該開津隘口守把軍官軍人及巡尉弓兵人等本以稽察奸偽而設比聞各處私鹽犯界鹽貨白晝公行無所畏忌蓋是不遵法守以致如此今後嚴加關防往來盤捉無致以前透漏違犯如因仍舊弊不爲用心盤捉致有走透私鹽并犯界鹽貨初犯答四十再犯杖八十三犯杖一百仍除通同縱放者與犯人同罪又會驗先欽奉聖旨條畫內一款節該若有不便事理運司從長規

五、三八

卷一百一十二

四

畫欽此除遵依外照得延祐三年正月至年終各處解到私鹽內無犯人二百餘起數內畧舉一起錢百四等犯鹽販問出起內杭州路仁和縣城東巡檢司弓兵相先貼書陸榮祖捉拏犯人錢百四周顯保王三十八私鹽一十二撫將錢百四傳留在家數令指攀平民潘萬四等貨賣私鹽要訖王三十八周顯保中統鈔三錠二十五兩入己將各人脫放止將錢百四解官又一起陳壽一等私鹽浙西分司追問出松江萬戶府軍人余勝徐福狀招延祐三年五月十一日捉獲犯人陳壽一李萬七私鹽四草包停留五日接受陳壽一中統鈔五十兩於金山鎮守官張百戶處打話將犯人脫放作無犯人私鹽申解又一起加興邳州萬戶府軍人王馬兒捉獲犯人王千四等私

鹽一袋解赴千戶所引過差劉百戶與軍人王馬兒
劉淵等一同赴解間有金三夏屠於本所典史節洪
該吏劉克寬首領官樊提領等處說合用財計會換
扣文解作無犯人私鹽分付劉百戶等解至海鹽州
嚴慶一家劉百戶等又行接受錢物將鹽博換雞酒
食用縱放王二四等還家解另行追問到其餘起數
或申巡至鄉村田畝江海河漢見有男子挑撫私鹽
或用船裝載向前捉拏犯人懼怕弃鹽走透或因天
色夜晚昏暗或稱挑水登岸走透不知去向無處根
捕或曠野草場見有草柴遮蓋無主私鹽以此弊倖
多端本司止行各處常川根捕至日申解未曾勾獲
一起到官今來參詳兩浙鹽課歲辦五十萬引課鈔
一百五十萬錠不爲不重行鹽地面撥山帶嶺瀕湖

靠海南抵福建北大江出沒私鹽港汊數多若多處
鎮守把隘軍民捕盜等官嚴加關防用心盤捉則外
方私鹽不禁自絕近年以軍民捕盜提點等不以國
課爲重視爲泛常縱然獲到私鹽犯人不受財脫放
者虛稱在逃者除扣勛重者往往止作無犯人私鹽
申解運司更不追究止行常川根捕由是大開倖門
一年之內無犯人者二百餘起若不從新拯治實於
鹽法有礙至如強盜賊捕獲者給賞不獲者定立三
限刑責今私鹽既獲犯人理賞不獲犯人者亦合有
罪今後各軍所獲軍民官司但獲有犯人私鹽依例
給賞無犯人擬合比依強盜例三限根捉庶革奸弊
私貪然此申乞詳明降得此本省參詳若依運司所
擬別無遵守通例咨請照詳希咨回示批奉都堂鈞

旨送刑部依已批照擬連呈奉此前件照得欽奉聖旨節該管民提點正官關津渡口守把軍官軍人巡尉弓兵人等致有私鹽犯界鹽貨走透私鹽初犯笞四十再犯杖八十三犯杖一百仍除名通同縱放者與犯人同罪欽此又照得欽奉聖旨條畫內一款節該諸人捕獲私鹽其告首親獲之人於犯人沒官家產內一半充賞若犯人貧窮無產可藉雖有不酬其功者每私鹽一引官給中統鈔五十貫應捕人減半不及引者同一引例於運司係官錢內支給欽此議得軍民官司捕獲私鹽罪賞擬合欽依已降聖旨事

意施行相應前件依准部擬

一准戶部關承奉中書省劄付本部呈奉省判山東鹽運司張大中言本司歲辦鹽課浩大供給國用不爲

戶部八